

# INUIT ATAQATIGIIT

## INATSISARTUNI



Tasiilaq, 16. februar 2015

Inatsisartut suleriaasianni § 37 naapertorlugu Naalakkersuisunut imaattunik apeqquaqarpunga.

### **Apeqquut:**

### **Tasiilami efterskolessamut allisitamut Naalakkersuisut suliniuteqarlutik aallartisarniarpat?**

(Inatsisartuni ilaasortaq Iddimanggiu Bianco, Inuit Ataqatigiit)

### **Tungavilersuut:**

2014-imi upernaakkut Inatsisartut ataatsimiinneranni amerlanerussuteqartumik aalajangiunneqarpoq, Tasiilami allisitamik efterskoliliortoqassasoq. Taamatut siunnersuuteqarnermut tungavilersuutigineqartut arlaqarput; nunatsinni Danmarkimilu efterskolinut qinnuteqartartunit inissaqartinneqanngitsut suli ima amerlatigipput, minnerpaamik efterskolit suli marluk pingasulluunniit atorfissaqartinneqarlutik.

Tasiilaq illoqarfik alliertupiloorpoq inuusuttullu amerliartorlutik, tassani ilinniarfissatigut allatigullu suliffissanik pilersitsiortornissaq pissusissamisuuginnassalluni. Maanna Naalakkersuisuutitaqartut isumaqatigiissutaannut ilaavoq, Tasiilami suluusalinnut mittarfiliortoqassasoq, pilersaarutaavortaaq aalisakkanik tunitsivimmik annertuumik Tasiilami pilersitsisoqassasoq. Taamaammatt efterskolissamik Tasiilami pilersitsinissaq illoqarfimmut ineriartupiloortumut inissinissaq pissusissamisuuginnarpoq.